

سر محمد علی غفر

۱۳۰۷

پنجشنبہ کو ناریہ نشر اولو فرغی و از نبی ہفتہ لک غفرتم

بدل اشترا:

برسنہ لکی (ہوستہ اجریلہ برابر) ۵۰ غروش
آلتی آبلقی (ہوستہ اجریلہ برابر) ۳۰ غروش

نسخہ سی ۱ غروشه

Le N^o 1 Piastre

ادارہ خانہ و مطبعہ سی:

استانبول دہ باب عالی جادہ سندنہ محل مخصوص در
درج ایدلمین اوراق اعادہ اول نماز

عفو کتف کفوبولور، وفضله مقدارده حصوله کلن «صفرا» ده بوغفوقی تشدیدده سبب اوله جفتدن «فساد هضم»، «اسهال»، «قانی باصور» یوز کوستر؛ و یوامراض ایله بدن بوسبوتون ضعفه دوجار اوله رق آرتق تأثیرات خارجیه مقاومت مجالی قالماز. موت یاقابه صاریلیر.

ملکات عقلیه وحواس خمسک افراط درجده ابتاه ایلمسی ایسه هر نوع سیکیر خسته لقاریله مراق، داء الفیل، جنت کی بر جوق بین خسته لقاریک سبب ظهوری اولور، اتخار جوغالیر. بیه اوروا ایستانتیق اربانک نتیجه تدقیقاته باقیله جق اولورسه جنت و اتخارک مالک حارده، مالک معتدله و باردهیه نسبتله، دها جوق وقوعه کلدیکی و مالک معتدلهک صیحاق موسترلنده ایسه، صوغوق زمانلره نسبت دها زیاده اولدینی کورولور. بناء علیه صیحاق و قتله بر انسان کندینی محافظه قیدنن وارسته ظن ایدرهک دها یوز لجه امراضه قایتقدده در. صیحاق کونلرده بلا واسطه کونشک حرارت و ضیاسی آلتده قالمک دخی موت فجائی اتاج ایلدیکی کورولور. هله تارالارده و یاوللرده اوزون مدت چالیشان چیغیچیلرده، ریخبرلرده ببولده وفات صتیقه وقوع بولقدده در. بونک سببه قانک قفا طاسنه هجوم ایدرهک زیاده تراکم اجه مسندن عبارت اولدینی ظن اولنیور. کوچوک چوجوقلر بر مدت کونشک آلتده قاله جق اولورسه شدتلی بر خسته لفه دوجار اولورلرکه بوکا عوام ناس «کونش چاریمسی» تعمیر ایدرلر. ایشته بوده حرارت شمسک تأثیرات و خیمه سنی نظر مزده اثبات ایلر.

مَبْنِیَّاتُ امْرِئِکُم مِّشْهُوْلَا

جامع حضرت عمر (رضی الله عنه)

بو نسخه مزده منظره خارجیه سیله داخلنی مصو تراکی رستی مندرج بولنان بنای لطیف قدس شریفده حضرت عمر رضی الله عنه نامنه نسبتله مشهور اولان جامع شریفدرکه امویه دن عبدالملک طرفندن هجرت

نبویهک یمش ایکی تاریخده انشا ایدرلرلشدز. بونانک موضعی وقته قدس شریف تپلرندن اولوب حضرت سلیمان علیه السلام دن اقدم عبادت و ذبح قرابین محلی اتخاد ایدلش و یغمبر مشارالیه حضرت تلمی ده تبیین دوزلده رک و بالکر اورته سندهکی «صخره» نامیه مشهور قیالی بره. قهرق اوراده بیت المقدسی انشا ایدرلرلشدی. بیت المقدس مقدا خراب اوله رق قنوجات اسلامیه نی متعاقب حضرت عمر رضی الله عنهک بو شهری تشریف لرنده محل مذکور خلیفه مشارالیه طرفندن یکی بر معبد انشا ایدلک اوزره اشارت قیلنش ایسده مشاغل سارّه بو تصوری اجرابه وقت بر اقامش ایدی. بعده عبدالملک «قبه الحضر» نامیه بو اثرعلی بوجوده کتیرمشدر. جامع حضرت عمر رضی الله عنه نسبتله یاد اولدینی کی «قبه الحضر» و «قبه الصخره» ناملرله یاد ایدیلیر.

قبه الحضر حرم شریفک اورته سنده اولوب بیه اوراده بولنان «مسجد الاقصی» یه قریبدر؛ و سکر کوشه لی مدور و اطراف یزاده سیله مزین و درونی اورته سنده صخره و یاحجر معلقی محتوی اولق اوزره اطراف دیوکلر بیوک برقه نی مشتل اوله رق کرک خارجا کرک داخلآ ترینانی و عرب طرز مشهورنده کی اویملری و نقوشی پک دلرلدر. امویلردن صوکره بر جوق ملوک اسلامیه طرفلرندن تزین ایدلش، هله سلطان سلیمان قانونی حضرت تلمی سیک خارجه بنایه قابلدقلمی چینی لر ایله بنانک لطافی برقات دها آرتمشدر.

اولکی نسخه مزدن برنمه رسمی مندرج بولنان جامع امویه کی قبه الحضرده آثار عالیه اسلامیهک الک مشهور، الک قدیم اولانلرنددر.

مُتَنَوِکُم

بیرنده مکتوب

معتبر غزته کزک اون ایکنجی نسخه سنده (طاش کتانی) سرلوحه سیله مندرج اولان قهرنی مطالعه ایدلم.

(قوسین ایچنده اولانلر اسامی مخترعیندر).

§

۱۲۱۴ ده منظومه الکتریقه (وولتا) — بخارک
انبساطیه ایشلین ماکنه لر (روبرتسن) — جریان الکتریک
واسطه سیله صویک تحلیلی (نیکولسون، کارلیزل) —
۱۲۱۵ ده بخارک تضییق عظیمیه ایشلین ماکنه لر (هوانس) —
افقی سیلندری بخار ماکنه لری (سینیتون) — ۱۲۱۶ ده
ایلك فوطوغرافی (وه جوود و داوی) — ایلك بخار
سفینه سی (سینیتون) — ۱۲۱۷ ده قورشون قلم (ویزه) —
سرعتله طبع اوراق (کونینگ و باور) — «اوسیموم»
جسم بسیطی (تهان) — ۱۲۱۸ ده محاربه راکتلیری
(قونفره و) — ۱۲۲۱ ده قله رموت سفینه سنک هووسون دن
حرکتی (فالطون) — ۱۲۲۴ ده تلغراف الکتریک ایله
ایلك غبار (سومریتغ) — اطعمه محفوظه نلک ایلك
اعمالی (فرانسوا آرت) — ۱۲۲۵ ده بوز اعمالی
(لهزلی) — غازی ایله تنویر اصولی (ونیلجی) — رقاص
(بونبرکر) — ۱۲۲۶ ده اوراق ماکنه سی (سیت) —
«ایود» جسم بسیطی (قورتوا) — صابون اعمالی نظریاتی
(شوروویل) — ۱۲۲۷ ده «کیلینفوردس» کومور معدنلرنده
ایلك دفعه لوقوموتیف استعمالی (استفسون) —
۱۲۲۹ ده صنایع چویدوبویاسی (تهزار) — ۱۲۳۰ ده چینقوغرافی
(تهرهارت) — امنیت لامپه سی (داوی) — «سیان» جسم
بسیطی (کای لوساق) — حروفات اصاعه سی ماکنه سی —
۱۲۳۱ ده «ستره نویت» لوحه لر سنک طبعده استعمالی
(وات) — ایلك دواز کوپری (ریچاردلی) — ۱۲۳۲ ده
صو ایله متحرک باصتی ماکنه سی (براما) — طوبولو ایکنه
ماکنه سی (هونت) — معدنی میزان الحراره (بره گه) —
۱۲۳۳ ده «قادمیوم» جسم بسیطی (شرومایر وهرمان) —
۱۲۳۴ ده قافلرک اوافاق طاشلرله (ماق آدام) اصولی اوزره
فرشی (ماق آدام) — قیودان (روکر) ک راکب اولدیفی
«ساوانا» نامنده بخار سفینه سی نیو یورق دن لیور بوله کلک
ایچون بحر محیط اطلاسی بی ۲۰ کونده قطع ایشدیر —
مقاطیس الکتریک (اورستد) — ۱۲۳۵ ده نیکل جلبکی

صاحب مقاله یه عرض ایلرم که: بیرنه و آلپ جبالنک
بعض سقتلریله قورسیقه ده، اسقوجیاده و شمالی آمریقا ده
بولنان بو طاش کتانی ممالک عثمانیه نک — منبع معدن
اطلاقه شایان اولان — اراضیسنده دخی موجوددر.

فقره نک صو ک جله سی «بو درجه مفید بر معدن
کاشکی مملکتزده دخی نعم ایتش اولسه ایدی!...»
تمیسندن عبارت ایدی. مادام که بو معدنک نعم ایتشی
آرزو بیورلیور، موجود اولدیفی محلی اخبار ایدیم:
لازیه سنجاغته تابع (بابربو جاق) قضاسنده بومعدن
کلیتی بر صورتده موجوددر. اهالی صیوا مقامنده
استعمال ایدیور.

حریق بله سنندن خالی قالمقده اولان استانبول
ایچون بو معدنک وجودی نه درجه نافع اوله جنی وارسته
بیاندر. والحاصل بو معدن استعمال اوله جق اولورسه
کلیتی منفعتی موجب اولور. بولندیفی موقع ساحله یلک
قرب اولدیفی جهته عملیاتک سهولته اجرا اوله سیله -
چکنده بشقه جه بیان ایلرم.
مولان بک زاده
م. رفت

عصر اختراعات

شو اون دردنجی عصرده علوم وقونلک هر شعبه سنجیه
یکیدن یکیکه وقوع بولان ترقیات ایله اختراعات صنایع دن
ازباب مطالعینی خبردار ایتلک مقصدیه و «فن پوسته سی»
عنوانیه غرته مزه اخیراً برقم دهاعلاوه ایدلمشدر. فقط
ترقیات حاضره — هنوز سکر سنندن عبارت برمدتی
کشمش اولان — اون دردنجی عصر ایله همزاد دکل،
اون اوچنجی عصرده مهد آرای ظهور اولان خوارق
کشفیاتک نتایج ومقتاتی اولدیفندن جداً «عصر اخترا-
عات» اطلاقه سزا اولان اون اوچنجی عصر هجریده
وقوعه کلن اختراعات وکشفیاتک تاریخلریله بونلره
واسطه اولمق شرفی احراز ایتش اولان ازباب هنر
ومعرفتک اسامیسی مبین شویله بر جدولک تنظیم ودرجی
مناسب کورولمشدر.